

“charitatis intrinsecus apposuiſti cogitare ſuper nos cogitati-
 “ones pacis & redemptionis. Et quidem cum eſſes Filius DEI,
 “DEUS verus, DEO Patri ſanctoque Spiritui coæternus &
 “conſubſtantialis, lucem habitans inaccessibilem, portansq;
 “omnia verbo virtutis tuæ, non deſpexiſti in hoc noſtræ mor-
 “tuitatis ergaſtulum altitudinem tuam inclinare, ubi noſtram
 “& guſtares & abſorberes miſeriam, noſq; reparares ad glori-
 am.

Maledicti meritò & diceremur & eſſemus, ſi neque *maje-
 ſtas* hujus *miraculi*, neque *pietas* tanti *beneficij* noſ confringeret:
 ſtolidi planè ac inſipidi, ſi agnum *lupo*, aurum *luto* (*& hæc eſt
 Paronomafia Bernhardina l. c.*) poſtpoſuerimus, nempe Diabo-
 lum *perditorem* pro CHRISTO *Salvatore*, futuri ſæculi gloriam
 pro hujus mundi inani vanitate elegerimus.

Quia ergo ante multos annos CHRISTI produximus
Vincula, jam ejuſdem proponimus *Flagella*, qualia ea fuerint, &
 quid hodiè noſ moneant aut ſpei concipere jubeant. Idque
 facient Tres noſtri Diſcipuli.

ANDREAS ABRAHAM LAURENTI Senfftenb.

MICHAEL STEPHANI Læbaviensis

JOHANNES GEORGIUS Förſtel Senfftenbergens.

qui etiam Odam Germanicam, qua totam Paſſionis Domini-
 cæ hiftoriam breviter complexus eſt, annectet. Hi humi-
 limâ prece â Vobis, Honoratiſſimi Patroni, Amici bene-
 volentiſſimi, contendunt, ut ſolitæ hæctenus præſentiæ fa-
 vore ipſos affletis, ego quoque, ſi quid rogationem meam
 valere debere exiſtumetis, operoſiùs aliquanto & officioſiùs
 rogatum venire volui. DEUS Vos & noſ omnes â *flagellis* qui-
 buſcumq; & *temporalibus* & *infernalibus* cuſtodiat clementiſſimè!

P. P. BUDISSÆ menſe Martio labente anni M D C LXXVII.